



Ա. ՔՈՒԱՆՋՅԱՆ

ՀԱՅ ԶԵՌԱԳՐԱԳԻՏՈՒԹՅԱՆ ՄԵԾԱՆՈՒՆ ՎԱՍՏԱԿԱՎՈՐԸ

(Գարեգին Ա. Կաթողիկոսի մանվան 10-ամյակի առթիվ)

«Մենք պարծենալ կարող ենք ամենամոզամակիրը ազգերի կազմին մեր 20 000 տուփ կամ հասար ձեռագիրներով, ուր պատկած են հայ մտքի և անցյալի ամբողջ արտադրությունը. մեր ազգային ամենամեծ հաջողությունը»:

ԳԱՐԵԳԻՆ Ա ԿԱԹՈՂԻԿՈՍ
(«Գեղարվեստ և կյանք»,
Անթրիտա, 1947, էջ 296)

Ա. ԱԿԱՆԱՎՈՐ ԳԻՏՆԱԿԱՆԸ



աս տարի է անցել այն օրից, երբ Մեծի Տանն Կիլիկիոյ Գարեգին Ա. Կաթողիկոսը, երկարատև ու ժանր հիվանդությունից հետո, առհասարակ փակեց իր աչքերը, խոր սուգի մատնելով ոչ միայն Հայ Նկեղնեցուն և Ժողովրդին, այլև հայագիտությանը:

Անկարելի է խոսել ժԹ դարի վերջի և հատկապես ի դարի առաջին կեսի հայ մշակույթի պատմության մասին և չնկատել այն մեծ ու լուսավոր և անշնչելի հետքը, որ թողել է հանգուցյալը:

Շատ քննադատի և անգնահատելի է եղել Գարեգին Ա. Կաթողիկոսի վաստակը հայ մշակույթի, պատմության և արվեստի ասպարեզում: Նրա տպագիր և անտիպ բազմապիսի գիտական աշխատությունների համա-

ռոտակի թվումն իսկ պատկառանք կարող է ազդել ամեն մի հայագետի: Սակայն Գարեգին Ա. Կաթողիկոսը մեծ եղավ նաև իբրև մեծ և հայրենասեր հոգևորական:

Գարեգին Ա. Կաթողիկոսի գիտակցական կյանքի ավելի քան վաթսուն տարիները հայրենանվեր աշխատանքների բացարձակ մի ոսկեշղթա կազմեցին ու փառքով պսակեցին մեծ հայրենասերին ու մեծ գիտնականին:

Ներկա հակիրճ ուսումնասիրության սահմաններում մենք հնարավորություն չունենք խոսելու ո՛չ նրա վարչական ու հասարակական հայրենանվեր աշխատանքների և ո՛չ էլ նրա բազմարեղուն և բազմարտավանդակ գործերի մասին: Այդ քոլորը, անկասկած, առանձին ընդարձակ մենագրությունների նյութ կարող են հանդիսանալ:

էջմիածնի մատենագարանապետ և թանգարանի ղեկավար, «Արարատ» հանդեսի խմբագիր, նվիրված տեսուչ Գևորգյան ճեմարանի և դասախոս հայ պատմության ու արվեստի, անգուգահեռ հայրենասեր քարոզիչ, հայ Գողգոթայից մազապուրծ փրկված որբերին ու աղետյալներին հոգացող հայր, Հայրենիքի պաշտպանության նոր Ղևոնդ երեց, հոգևոր առաջնորդ Քիֆիսից մինչև նոր-Նախիջևան և ապա Հյուսիսային Ամերիկայի պանդուխտ հայորդիներին, Կաթողիկոսական լիազոր պատվիրակ բովանդակ սփյուռքահայության և հուսկ ուրեմն Կաթողիկոս Մեծի Տանն Կիլիկիոյ Այս բոլորը ծանր ու դժվարին պաշտոններ են, որոնք մի շարք եռանդուն անձնավորությունների աշխատանք կարող են բնութագրել: Եվ այդ բոլորը ինչպիսի՞ մեծ անձնազոհությամբ ու բացառիկ նվիրվածությամբ է կատարել նա և հաճախ վտանգել իր առողջությունը:

Որքան էլ այսօր մեզ զարմանալի թվա, ահա՛ հիշյալ մաշող աշխատանքների հեռու դուրսը, Գարեգին Ա Կաթողիկոսը իրեն համար ժամանակ էր գտնում նվիրվելու գիտական աշխատանքների և իր թողած մեծարժեք գործերով նա կարողացավ իր պատկառելի տեղը ապահովել նաև հայագիտության մեջ:

Ազդագրագետ ու հնագետ, հայ ճարտարապետական հուշարձանների խուզարկու, գերեզմանական կոթողների և խաչքարերի արվեստի լեզուն բացահայտող, հայ ձեռագրագիտության երախտավոր, հայ մանրանկարչության ուսումնասիրման հիմնադիր, հայ պատմության բեղմնավոր աշխատող, միջնադարյան հայ քնարերգության ուսումնասիրող, հայ հնագիտության մեծ վարպետ, հայ մանրարվեստների առաջին հետազոտող, մի խոսքով հազվագյուտ մի մտքի տիտան, որն իր ամբողջ կյանքը նվիրաբերել է հայ ժողովրդի անցյալի արժեքները մթության միջից լույս աշխարհ բերելուն, ուսումնասիրելուն և արժեքավորելուն: Սակայն ինչպիսի՞ չեքմ սիրտ և անհուն սեր է դրել նա իր յուրաքանչյուր աշխատության մեջ:

Հայագիտության գրեթե բոլոր ճյուղերում կարելի է հանդիպել Գարեգին Ա Կաթողիկոսի մատուցած կարևոր ծառայություններին, ծառայություններ, որոնց արժեքը տակավին լրիվ հայտնի չէ բանասիրությանը, քանի որ նրա մեծարժեք վաստակի մի խոշոր մասը դժբախտաբար դեռևս շարունակում է մնալ անտիպ: Սակայն նրա թողած բազմաթիվ մենագրություններն ու զանազան հատորներում ցրված ուսումնասիրություններն իսկ բավական էին, որ աննկուն գիտնակա-



ԳԱՐԵԳԻՆ ԿԱԹՈՂԻԿՈՍԻ ՎԵՐՋԵՆ ԼՈՒՍՆԱԿԱՐԸ

նին ապահովին իր մնայուն տեղը հայագիտության անդատանից ներս:

Ընդանրապես Գարեգին Ա Կաթողիկոսը մասին ընդունված է սաել, որ նա անկոխ գետինների գիտնականն է հանդիսացել, և այդ շատ ճշմարիտ է, քանի որ նրա ուսումնասիրության առարկան, նյութը, կա՛մ բոլորովին մինչև ինք ոչ ոքի կողմից ուշադրության արժանացած չի եղել, և կա՛մ՝ բավարար չափով չի եղել: Նա միշտ խույս է տվել հայագիտությանը երկար զբաղեցրած և կամ վիճելի և հաճախ էլ անլուծելի հարցերից, նրա ուսումնասիրությունների մեջ հեշտ աշխատանքի արդյունք եղող գործերը իսպառ բացակայում են, նա հաճախ ոչնչից ստեղծում, հայտնաբերում և համարում է այնպիսի խճանկարային տիպի գործեր, որոնք արգասիք են երկար տարիների բազմակողմանի և համառ պրպտումների և ուսումնասիրության:

Հայ անցյալի արժեքները ուսումնասիրելու բացառիկ սերը դեռ շատ վաղ էր հանդես եկել նրա սրտում: Գարեգին Ա Կաթողիկոսը իր հուշերում նկատի ունենալով 1887 թվականի ամռանը մեծանուն հայագետ Մանուկ Աբեղյանի գլխավորությամբ դեպի հայ Բագրատունյաց Անի մայրաքաղաքը կատարած ուխտավորական և հնագիտական ճանապարհորդությունը, գրել է: Ե՛մ պատանեկության

ընթացքում իսկ սեր եղել է իմ մեջ Հայրենիքի ավերակների հանդեպ: Անիի ճանապարհի հորդութունը իմ մեջ խորը տպավորություն է թողել դեպի անցյալը, հնությունը, դեպի մեր հին փառքերը¹:

Ղարաբաղի Զիվանշիր գավառի Չարտախու գյուղից էլ միայն եկող պատանին, որի մայրը իր գարդարանքները պոկելով իր մագերից որդուն ուղարկել էր ուսման, մի օր դառնալու էր հայ ժողովրդի ամենամեծ հայրենասերներից և գիտնականներից մեկը: Փարեզին Հովսեփյանցը էլ միածնում էր բնուցիչ էր ունեցել նշանավոր մանկավարժ Սեդրակ Մանգիշյանին, հայտնի բանասեր Կարապետ Կասառյանին, պատմաբան Ստեփանոս Պալասանյանին (քնիկ Ռումի-նիայի Բոտոշան քաղաքից), Հայ Եկեղեցու նշանավոր գործիչ և պատմաբան Մաղաքիա արքեպիսկոպոս Օրմանյանին, բանաստեղծ Հովհաննես Հովհաննիսյանին և ուրիշներին: 1892—1897 թվականներին Հովսեփյանցը մեկնում է Քերմանիա և Լալայցիգի, Հալլեի ու Բեռլինի համալսարաններում խորացնում էր ուսումը կամբոջեօթի, Հառնակի, Վունտի և այլ խոշորագույն գիտնականների մոտ ու մեծ հարգություններ ստանում է փիլիսոփայության գոկտորի աստիճան:

Չարազանց հարուստ գիտելիքներով գինւլուց հետո, սկսած իր վաղ երիտասարդությունից մինչև իր խոր ծերությունը, նա մնում է հավերժական ճանապարհորդը: Քյուլդից գյուղ, քաղաքից քաղաք ու երկրից երկիր ծայր են առնում իր որոնումները, ընտրած մեծարժեք նյութերի համար ատաղձներ կուտակելու նպատակով:

Ինչպես Արևելյան, այնպես և Արևմտյան Հայաստանի բազմաթիվ վայրերում և վերջապես Սփյուռքի շատ երկրներում կարելի էր տեսնել մեծ ու անընկճելի խուզարկուին, մերթ պատանու նման մագլցելիս հայկական հուշարձանների բարձունքն ի վեր կամ երկար կռանալիս մի ձեռագրի փոշեթաթախ էջերի վրա: Ամեն տեղ էր նա: Հաճախ կարելի էր տեսնել նրա խորաթափանց ու վառվրտուն աչքերը, որոնք աննկարագրելիորեն կայծկլտում էին անհուն երջանկությամբ, յուրաքանչյուր անգամ երբ նրան բախտ էր վիճակվում գննել և լույս աշխարհ հանել հայ արվեստի անհայտ մի բեկոր, լիներ դա մամոտած մի խալցար, թե խունացած մագաղաթյա հավերժ կորած մի ձեռագրի երկաթագիր պատառիկ: Դժվար է, ինչպես Հայրենիքում, այնպես էլ նրա սահմաններից դուրս, գտնել ճարտարապետական կամ ձեռագրական հայկական մի հուշարձան, որը նրա ուշադրությունից դուրս մնացած լիներ:

Ավելին. նա տեսել և ուսումնասիրել է այնպիսի հուշարձաններ, որոնք մինչև հայկական կոտորածները դեռևս պահում էին իրենց գոյությունը, իսկ հետո արդեն իսկ ոչնչացվել էին իսպառ:

Փարեզին Հովսեփյանցը դեռ սարկավազ էր, երբ հանդես եկավ իբրև ազգագրագետ, հայ ժողովրդական բանահյուսության փրչրանքները ոչնչացումից փրկելու մեծ սիրով և գովելի նախաձեռնությամբ: Դեռ 1892 թվականին էր, որ նա հրատարակեց «Աստվածներ» ժողովրդական վեպի չորս պատում, մեկը Արարանի և չորսը Մոկոս բարբառներիով, ինչպես նաև իր «Փշրաեֆենը ժողովրդական բանահյուսությունից» գործը, ապա «Ռաստամ-Չալ» վեպը և նրա ուսումնասիրությունը: Այս գործերում հայ բանասիրությանը հայտնի էին դառնում նրա անսահման սերն ու նվիրվածությունը հայ բանահյուսության փոշեթաթախ փոշեթաթախ սեփականությունը դարձնելու մասին: Այսպիսով Փարեզին սարկավազը, Փարեզին վարդապետ Մրվաթնաթյանից և Մանուկ Արծրյանից հետո, երրորդ գիտնականն էր, որ հայտնաբերեց մեր գյուցազնավեպի նոր պատումները:

Փարեզին սարկավագի «Աստվածներ» պատումները հետագայում մաս կազմեցին Հայաստանի պետական հրատարակչության կողմից հրատարակված և ակադեմիկոս Մանուկ Արծրյանի խմբագրությամբ և պրոֆ. Կ. Մելիք-Օհանջանյանի աշխատակցությամբ պատրաստված «Աստվածներ» հոյակապ գործին: Հետաքրքրությունից զուրկ չէ այդ գործի խմբագրության կողմից ավելացված հետևյալ ծանոթությունը. «Փարեզին Հովսեփյանցը գրի առած է եղել նաև ուրիշ պատումներ, որոնց ձեռագրները կորած են»²:

Պետք է նշել, որ Փարեզին Հովսեփյանցը հայ ազգագրության հետ հետագայում ևս իր կապերը չի խզել: Պետական Մատենադարանում պահվող Փարեզին Հովսեփյանցի գիվանի մի վավերագրից երևում է, որ սուրբին համաշխարհային պատերազմի ընթացքում, Արևմտյան Հայաստանից գաղթող հայերի մոտ դեռևս առկա եղող ժողովրդական տարազը, նիստուկացը և այլն փրկելու գիտավորությունից տարված, իր սեփական նեղ միջոցներով 1917 թվականի հունվարին ազգագրական նյութերի կարևոր մի ժողովածու է կազմել և ցանկացել է ստեղծել նույնիսկ այդ նյութերից ազգագրական մի թանգարան: Ահա թե ի՛նչ էր գրում Հովսեփ-

¹ ԵՃՊԿ, 1953, հոկտեմբեր—դեկտեմբեր, էջ 483.

² «Աստվածներ», խմբագրեց պրոֆ. Գոկո. Մանուկ Արծրյան, աշխատակցությամբ Կ. Մելիք-Օհանջանյանի, Ա հատ., Երևան, 1936, էջ 122.

յանցը հայտնի հայագետ նիկողայոս Մառին. «...նկատելով, որ ներկա գաղթականության հետ մեր ժողովրդի տարազն ու նիստուկացր, զարդն ու զարդարանքը, արվեստը, բանահյուսությունը, բարբառները վտանգի են ենթարկված, հաջողեցրի մի փոքրիկ դումար ձեռք բերել և ձեմարանի կարող ուսուցիչներից մի հանձնաժողով կազմել այդ խնդիրներով զբաղվելու: Մի տարվա ընթացքում մի ընչին գումարով (800 ռ.) հաջողել է մեզ արդեն պատկանելի մի ժողովածու կազմել, որ գրսում տասնյակ հազարներով ձեռք բերել կարելի չէ: Այժմ տքամադրելի է ինձ այնչի մեծ գումար, և հույս ունեմ, թե կարճ ժամանակից հետո հնարավորություն պիտի ունենամ մի փոքրիկ ազգագրական թանգարան կազմելու շափ նյութ ունենալու: Նամակի շարունակություն մեջ Գ. Հովսեփյանցը գրում է նաև, որ հնք նպատակ ունի պատրաստել տպագրության նաև ազգագրական նյութերի մի ժողովածու և դունավոր մի քարտեզ գաղթականների տարազն ու ձեռագործը, զարդն ու զարդարանքը ցուցադրող՝ Սակյան զանազան դժվարությունների հետևանքով հնարավոր չեղավ իրականացնել նրա այս զեղեցիկ ծրագիրը:

Գրեցին Կաթողիկոսի գիտական զործերի շարքում նշանակալից տեղ են գրավում նաև նրա մատենագրական ուսումնասիրությունները: Այդ տիպի աշխատություններից են նրա «Մխիթար Սասնեցի» (1899), «Խոսուրձիկ բարգամիչ» (1899), «Թումա Մեծափեցու կյանք» (1914), «Մխիթար Այրիվանեցի» (1931) և այլ գործերը, որոնք նախ իբրև ուսումնասիրություն հողվածներով և ապա առանձին գրքերով լույս են տեսել և հայագիտության կողմից բարձր զնահատանքի են արժանացել:

Նրա շարունակ որոնող, համագրող մտքի արգասիքն են հանդիսանում նաև պատմական մի շարք կարևոր գործերի լույս ընծայումը: Այս շարքում նրա գլուխ-գործոցն է «Խաղրակյանք կամ Պոռոյանք Հայոց պատմության մեջ» (1928—1943) եռահատոր աշխատությունը, որը պսակվեց Երուսաղեմի «Թաղմանյաց-Դուրյան» մրցանակով: Այս գործում հեղինակը հանդես է եկել թե՛ պատմարանի, թե՛ բանասերի, թե՛ հնագետի և թե՛ մշակութային բազմապիսի խոր հատկություններով: Անվանի հայագետ նիկողայոս Աղանցը, նկատի ունենալով Գրեցիկի արքեպիսկոպոս Հովսեփյանցի այս աշխատության մեծ արժեքը, մրցանակաբաշխու-

թյան առիթով իր գրած քննական տեղեկագրում ամենից առաջ բարձր զնահատական էր տալիս այն բանին, որ հեղինակը միշտ հետամուտ է եղել նորություններ բերել հայ բանասիրությանը: Ապա մեծ գովեստով խոսում է սկզբնաղբյուրների նկատմամբ հեղինակի ունեցած մեծ բարեխղճության մասին: «Չկա համարյա մի արձանագրություն ուրիշներից արտագրված,— գրում է ն. Աղանցը,— ուր որևէ ուղղում կատարած չլինի, բառ թե տառ, թե ամբողջ նախադասություն և մանավանդ տեղի և անձանց անուններ: Նկատի ունենալով այս աշխատության մնայուն արժեքը, ն. Աղանցը այն իրավամբ համարում է աճալ մշակույթի պատմության մի խոշոր նպաստ»⁴:

Այս նույն շափովով է նա շարունակել իր աշխատանքները, ստեղծելու համար Աղիգրեկենց, Օրբելյան և այլ իշխանական տոհմերի պատմությունը, որոնց մասին մինչև ինքը ոչ ոք առանձին ուսումնասիրություն չէր պատրաստել:

Հայ միջնադարյան գրականության պատմության համար կարևոր են նաև Գարեգին Ա Կաթողիկոսի կողմից Գրեցոր Աղթղվանքու և Հովսեփ Սեբաստացու կյանքին ու գործունեության նվիրված ուսումնասիրությունները:

Գրեցիկն Կաթողիկոսի տարբեր բնագավառների վերաբերող վերոհիշյալ աշխատություններին ոչնչով չեն զիջում նաև նրա պատմահնագիտական գործերը: Այս շարքից հատկապես ուշագրավ են նրա «Պողեվանքի և գմբեթավորումը հայ տաճարներում», ինչպես նաև «Գեղեվանական կոթողներ և նրանց հնագիտական արժեքը հայ արվեստի պատմության համար» ուսումնասիրությունները: «Պողեիկի եկեղեցին ուսումնասիրված չէր, ոչ հայ մանագետ Թորոս Թորամանյանի և ոչ ավատորիացի գիտնական Ստրիկովսկիի կողմից: Իր «Պողեվանքը և գմբեթավորումը նախնական հայ տաճարում» ուսումնասիրության մեջ՝ Գրեցիկն Վեհափառ կցայտեցնե ամբողջ կարևորությունը այս շենքին՝ հայկական ճարտարապետության համար: Ըշտելով հիմնադրին իրեն անձնավորությունը և գտնելով թվականը, ուր ապրած է անիկա, ցույց կուտա թե Չ դարու այս եկեղեցին Հայաստանի մեջ պահված ամեննն հին գմբեթավոր եկեղեցիներիցն է, և կուտա նաև ուրիշ փաստոր ճարտարապետության այս ձևի գործածությունը: Մյուս աշխատության մեջ դարձյալ

³ Հայկական ՍՍԻՄ Մևրոպ Մաշտոցի անվան Պետական Մատենադարանի ղեկավան, Գրեցիկն արքեպիսկոպոս Հովսեփյանցի թղթապանակ, Ձ 98, վավերագիր Ձ 76:

⁴ Գրեցիկն արհեստակցություն Հովսեփյան, «Ենագրական կամ Պոռոյանց Հայոց պատմության մեջ», հատ. Գ, Նյու-Յորք, 1942թ, ԺԵ-ԺԷ:

⁵ Սիրաբիի Ցեր-Լեւոնոյան, «Անկարկ մը Գրեցիկն Հայրապետի գիտական աշխատություններուն վրա» «Էտակ», 1952, է-Թ, էջ 270—274:

քի ամբողջութիւնն ատարղծ կարող են ծառայել¹⁶,

Այստեղից էլ ակնհայտ է, որ բազմահատու գիտնականը Իրեն համար հեռավոր նպատակ էր դրել առանձին մենագրութիւններէ միջոցով ստեղծել բովանդակ հայ մշակույթի և հայ արվեստի յիսկատար պատմութիւնը, որը դժբախտաբար կիսատ մնաց և այժմ էլ հայագիտութեան մեջ նման մի գործի պակասը զգալ է տայիս իրեն:

Ահա միանգամայն շատ համառոտ և թերի մի ակնարկ հայագիտութեան մի հսկայի բազմաբեղուն գործունեութեան մասին, որը

կարծում ենք, որ կարող է բավական լինել համոզելու համար, որ գրեթէ զոյութիւն չի ունեցել հայ մշակույթի, արվեստի և պատմութեան մի բնագավառ, որի վրա անհուն նվիրումով Իր խորաթափանց միտքն ու ուշադրութիւնը բեռնած չլինեք Գարեգին Ա Կաթողիկոսը: Նրա անբասիր անձնավորութեան օրինակը և թողած գիտական մեծարժեք ժառանգութիւնը միանգամայն օրինակելի են և ուսանելի:

Գարեգին Ա Կաթողիկոս Հովսեփյանցը համապարփակ մտքի տեր անվանի գիտնական էր:

Բ. ՀԱՅՆՐԵՆ ԶԵՌԱԳԻՄ ԳԱՆՁԵՐԻ ԱՆՋՈՒԳԱԿԱՆ ԽՈՒՋԱՐԿՈՒՆ

Ինչպես տեսանք, հայ արվեստը, հայ մշակույթը իր ընդհանուր բաժանումներով և շրջաններով և առհասարակ բովանդակ հայագիտութիւնը Գարեգին Ա Կաթողիկոսին հավասարապես հետաքրքրել են և դարձել են նրա մեծարանքի առարկան: Սակայն այս բոլորի մեջ եղել է մի բնագավառ, որտեղ ամենից ավելի երկար է տքնել նրա բեղուն միտքը, մի ասպարեզ, որտեղ ամենից ավելի հարուստ է եղել նրա թողած գիտական վաստակը: Այդ հայերեն ձեռագիր գանձերի հարուստ աշխարհն էր, որը վաղ հասակից մինչև կյանքի վերջալուսը հանդիսացել է նրա կյանքի իմաստն ու խորհրդանիշը:

Գարեգին Ա Կաթողիկոսից առաջ հայ ժողովրդի անվանի մշակներ Հ. Գ. Ալիշանը, Ն. Քարամյանցը, Հ. Հ. Տաշլյանը, Հ. Բ. Սարգիսյանը և ուրիշներ շնորհակալ աշխատանք էին կատարել հայերեն ձեռագրերի ուսումնասիրութեան ասպարեզում, սակայն ոչ ոք, րացի իրենից, չի փորձել հայ ձեռագրագիտութիւնը իր ամբողջութեամբ ուսումնասիրութեան նյութ դարձնել և այդ գանձերը բազմակողմանի արժեքավորման ենթարկելով մատուցել զրանց ծնունդ տվող մայր ժողովրդին:

Մինչև Գարեգին Ա Կաթողիկոսը, ոչ ոք այնքան մոտից հաղորդակից չի եղել աշխարհով մեկ սփռված մեր ձեռագրերին և ոչ ոք այնքան խոր և բազմակողմանի կերպով չի ուսումնասիրել նրանց մեջ թաքնված մեր մշակույթի անսպառ գանձերը: Այսած հայ գրի զարգացման հնագրական հարցերից, մեր ձեռագրերի հմայիչ մանրանկարչութեան առաջին ուսումնասիրութիւններին մինչև ձեռագրերի թանկագին հիշատակարաններէ հսկա հավաքումները, և ձեռագիր բեկորների արժեքի վրա ուշադրութիւն հրավիրելը և

վերջապես գրագրերի կազմելի արվեստը և կողերին փակցված դիպակների առաջին ուսումնասիրութիւնը հայագիտութիւնը պարտական է Գարեգին Ա Կաթողիկոսին:

Այստեղ զանց ենք առնում դեռևս հիշատակել անվանի գիտնականին պատկանող պատմական, հնագիտական և բնագրագիտական այն բազմաթիվ մենագրութիւններն ու հոդվածները, որոնք բոլորն էլ մեծ մասամբ բխում են ձեռագրերի աշխարհում Իր կատարած երկար ու համառ պրպտումներից, մի խոսքով նրանք գրեթէ խարսխված են ձեռագրերի ընձեռած թարմ նյութերի վրա: Բավական է հիշատակել, որ մեծ խուզարկուի գլուխ-գործոցներից մեկի՝ «Խաղրակյանք կամ Պոռշյանք հայոց պատմութեան մեջ» աշխատութեան հիմքում բնկած են ոչ միայն սովոր թվով քարեղէն արձանագրութիւններ, այլև 91 ձեռագրային հիշատակարաններ, դեռ առանց հաշվելու ձեռագրական այն հարուստ և թարմ տվյալները, որոնք օգտագործվել են հիշյալ գործի զանազան էջերում:

Իրրև մատենադարանայետ էջմիածնի մատենադարանին, Գարեգին վարդապետ Հովսեփյանցը երկար տարիներ թաղվելով ձեռագրերի մյգ ճոխ հավաքածուի մեջ, անսպառ նյութ էր կուտակել Իր ծրարած նշանավոր աշխատութիւնների համար: Գրեթէ Իր բոլոր առավել կարևոր գործերի հիմքը հանդիսացել է էջմիածնի մատենադարանը, սակայն պետք է նշել, որ նա այդքանով միայն բավարարվող գիտնական չէր: Այդ է պատճառը, որ նա, շնայած Իր վտիտ կազմվածքին և ոչ քաջառողջ վիճակին, սլանում էր այնտեղ, ուր գտնվում էին հայերեն ձեռագրերի մնացյալ խոշոր կամ փոքր շտեմարանները:

Մայաքիա արքեպիսկոպոս Օրմանյանը մեծ սեր էր տածում դեպի Գարեգին վարդապետը, որը եղել էր իր աշակերտը և իր ճարտար միջոցներով ուսանելու էր զրկվել Գերմանիա: 1911 թվականի մայիսի 22/4-ին

¹⁶ Գարեգին Խոֆեպիսկոպոս Հովսեփյանց. «Նյութիկ և ուսումնասիրութիւններ հայ արվեստի և մշակույթի պատմութեան», պրակ Ա, Երուսաղէմ, 1935 (առաջաբանից):

Պերայից գրած իր նամակում Օրմանյանը գտնում էր, որ Գարեգին վարդապետ Հովսեփյանցը անհրաժեշտ է որ մեկնի արտասահման և մի շարք մատենադարաններում պրպտումներ կատարելու միջոցով ճոխացնի իր ծրագրած գործերը: Օրմանյանը ի միջի այլոց գրում էր. «Ե՛րևն ալ իմ խելքն էս, գրական աշխատությունք մեջ փնտելով միակ մխիթարությունը...»¹⁷: Նամակի վերջում նա մատենադարանների և մի շարք ձեռագրերի մասին ցուցմունքներ էր տալիս: Եվ ահա սկիզբ են առնում, ամբողջ կյանքում շարունակվելու համար, Գարեգին վարդապետ Հովսեփյանցի գիտական ուղևորությունները: 1911, 1914, 1935 և 1947 թվականներին նա բազմիցս լինում է Երուսաղեմի հայոց Պատրիարքարանի ճոխ մատենադարանում: 1911—1914 թվականներին այցելում է Արևմտյան Թուրքիայի և Անատոլիայի հայկական շրջանները: Գնում է Կոստանդնուպոլիս, Ջմյուռնիա, Սերաստիա, Թոքատ, Ամասիա, Յոզղազ, Խանղալի և այլ քաղաքներ և ամեն տեղ որոնում, գտնում և ուսումնասիրում է պահպանված ձեռագրերը, լինում է Բեռլինի և Եվրոպայի մի շարք քաղաքների մատենադարաններում, ինչպես նաև ավելի ուշ ուսումնասիրում է Ամերիկայի ձեռագրատներում և առանձին հավաքողների մոտ պահվող հայերեն ձեռագրերի մեծ մասը: Ի վերջո, կաթողիկոսության շրջանին ցնում է նաև Անթիլիասի, Հալեպի, Բաղդատի և այլ վայրերի ձեռագրերը:

Եվ այսպես ավելի քան 60 տարի Գարեգին Ա Կաթողիկոսը զբաղվել է հայերեն ձեռագրերի հետազոտությանը: Ինչպիսի՞ մեծ նվիրվածությամբ է, որ նա Իրեն նվիրել է այս աշխատանքներին և ուշադրություն խսկ չի րնձայել ո՛չ իր առողջությանը և ո՛չ էլ իր սննդին: Գարեգին վարդապետ Հովսեփյանցը 1911 թվականի հուլիսի 1-ին Երուսաղեմից իր գրած անտիպ նամակով Սուքիաս արքեպիսկոպոս Պարզյանցին նկարագրելուց հետո, որ Ինքը մեծ դժվարություն է կրել ճանապարհորդության ընթացքում և հիվանդացել է Կոստանդնուպոլսում, Երուսաղեմի մատենադարանում իր կատարած աշխատանքների մասին գրել է հետևյալը. «... Ս. Տեղապահ Տ. Գանինը արքեպիսկոպոսի կրտսերով կարգադրության և նշանյան Տ. Մեսրոպ վարդապետի սիրալիր աջակցության շնորհիվ հույս ունեմ, որ պիտի հաջողվի հետզհետե քոլոր կարևորները տեսնելու և օգ-

տրվելու: Երեկ արդեն քացին Մատենադարանը և հատուկ մարզիկ նշանակվեցան ինձ համար մատյաններ հանելու: այսօր կանոնավորապես կսկսիմք աշխատանքներս և կշարունակենք: Տասներկուսի լափ ձեռագիր արդեն ձեռքիս տակ են և շատ ընտիր նյութեր են պարունակում»¹⁸:

Նամակի շարունակության մեջ նա գրում էր, որ Երուսաղեմում իրեն են հանձնել լավագույն բնակարան, ուր ժամանակին խրիմյանն ու Իզմիրլյանն են ապրել և այլն: Գարեգին վարդապետ Հովսեփյանցը իր նամակը վերջացնում էր հետևյալ տողերով: «Աղոթեցեք, Սրբազան Հայր, և օրհնեցեք այս ճանապարհորդությունը, որ արդյունավոր լինի: Տարակույսներով, դժվարության հեռանկարներով չի է հոգիս, քայց պայվի՛նք իմ Աստուծո հովանավորությանը»¹⁹:

Սուքիաս արքեպիսկոպոս Պարզյանցը իր պատասխան նամակով թախանձագին խընդրում է Գարեգին վարդապետից իր առողջության վրա հոգ տանելու, շարաշար աշխատանքից Իրեն խնայելու համար: Միևնույն ժամանակ նամակագիրը կանխատեսում է նաև նրան սպասող մեծ ապագան: Պարզյանցը գրում էր. «Ե՛րևն կատարյալ իրավունք եմ համարում թախանձանոք խնդրել մեղմել սակավ ինչ աշխատանքն, երկայնամիտ լինել, եթե մի բան այս տարի չկա, նա, հառաչիկա տարին կարելի է շարունակել և հազթանակով պսակել ուսումնասիրությունը: Աստված մեծ է, ես հույս ունեմ պիտի տեսնեմ այնպիսի օրեր, որ Ձեզ նմաններին Ազգիս հոգևոր իշխանությունն ստիպանոք և ամեն ղյուրություններ տալով մղե ուսումնական տարաշխարհիկ վաստակների, միայն Ձեր կենաց անխայցեցեք և լավ հրակեցեք անձնական առողջությունն լվտանդե՛ք»²⁰:

Անցնում են տարիները, Գարեգին վարդապետ Հովսեփյանցը շրջում է դարձյալ գյուղից գյուղ, քաղաքից քաղաք, հետազոտում է վանքերի խորը, փոշիների տակ թաղված ձեռագիր գանձերը, հավաքում է վիժական արձանագրություններ, հայ արվեստի նշխարներ փրկում կորստից և նորանոր ատաղձներ կուտակում իր կոթողական աշխատանքների համար Արդեն 1914 թվականին էր, առաջին համաշխարհային պատերազմի շարաշուք տարին, երբ տեղագրին նախապատրաստվում էր նաև հայ ժողովրդի արևմտյան հատվածի ողորբազական սպանդը: Օրմանյանը արդեն Երուսաղեմ էր ու թաղված իր գիտական գործերի մեջ, իսկ Գարե-

¹⁷ Հայկական ԱՄՆ Մեսրոպ Մաշտոցի անվան Գեոսիական Մատենադարանի դիվան, Գարեգին արքեպիսկոպոս Հովսեփյանցի թղթապանակ, Մ 85, վավերագիր Մ 334. Դր.—Ձր:

¹⁸ Նույն տեղում, վավերագիր Մ 336ա:

¹⁹ Նույն տեղում:

²⁰ Նույն տեղում, վավերագիր Մ 336բ:

զին վարդապետ Հովսեփյանցը դեռևս անհազորեն ուսումնասիրում էր Քուրքիայում գտնվող մի շարք հայաշատ կենտրոնների հնությունները, նախագգալով կարծեք այդ վայրերի հայության և գրանց հետ հոգևոր րոյոր գանձերի մոտայում վախճանը: Օրմանյանը, որ ուշի-ուշով շարունակում էր հետևել իր սիրելի աշակերտի հայրենանվեր պործերին, յսելով Գարեգին վարդապետի կոստանդնուպոլիս, Մերաստիա և այլուր գալը, 1914 թվականի հուլիսի 18 թվակիր իր նամակում ողջունում էր նրան գրելով. «Հաջողությամբ կամողթմ քանասիրական արշավանքիդ»: Այս թախանձպին նրան հրավիրում էր զայ Սրուսաղեմ և հայոց Ա. Հակոբ վանքում նվիրվել հետազոտական և մասնավարժական աշխատանքի. նշելով նաև, որ Գարեգին վարդապետ Հովսեփյանցը մեծ հեղինակություն է վայելում Երուսաղեմում: Օրմանյանը նույն ժամանակ չի մոռանում որպես ցուցմունք նշելու նաև, որ Մերաստիայից Երուսաղեմ գալու ճանապարհին նա շարունակի զբաղվել հայ անցյալի գանձերի հետազոտությամբ: Ահա մի քանի տող Օրմանյանի կողմից Գարեգին վարդապետ Հովսեփյանցին հասցեագրված այդ ուշագրավ նամակից. «Այստեղ շատ կրկնված յսցիք Ձեր մտադրությունը միջոց ժամանակի մեր Երուսաղեմ անցնելու, և զըշագրիսկուրու ճոխ մատենագրարանով զբաղելու: Եվ Ձեր այս փափագը կհորզորն դիս յըշորեն հրավիրելու Ձեզ, որ այս մտազրությունիդ յուշացնեք: Նամակի շարունակության մեջ գրում էր նաև, որ մոսկվարնակ Հ. Ժամհարյանի նվիրատվությունից քաչալերվելով, մտադիր է Երուսաղեմի Ժառանգավորայ վարժարանի կողքին ընդարձակել ուսումը և բացել բարձր դասարաններ: Այս կապակցությամբ էլ Օրմանյանը գրում էր.

«Եթե հաճեք մեզի հրամանել զայ, թե՛ մատենագրարանն ու գանձարանը առատ նյութ կմատակարարեն նոր գիրք մը պատրաստելու շահի, և թե՛ մեր բարձրագույն դասարաններուն ուսուցիչը կճարվի, անշուշտ ոչ առանց պատշաճ փոխարինության:»

Թախանձելով կսպասեմ հաջող պատասխանի մը: Մերաստիայի Երուսաղեմ ցամաքի ճանապարհը կրնա նորանոր նյութեր ընծայել Ձեր հետազոտությանց:

... Այստեղ շատ մեծ և դերագրապես բարձր է Ձեր անձին հանդեպ համակրանքը և հարգանքը, և վստահ կրնաք բլլալ սիրալիր և հարգալիր ընդունելություն²¹:

Նույն 1914 թվականին Գարեգին վարդապետ Հովսեփյանցը Բեռլինում էր արգենուր ուսումնասիրում է տեղի մատենագրարանում պահվող հայերեն ձեռագրերը և ձեռնարկում է իր նշանավոր «Քարտեզ հայ մանրանկարչության» գործի տպագրության, նույն ժամանակ ուսումնասիրելու նպատակով անցնում նաև Փոքր Ասիայի հայ կենտրոնները, երբ պայթող առաջին համաշխարհային պատերազմը խանգարում է ամեն ինչ և նա մեծ զոհարությամբ ստիպվում է ձեռնունայն վերադառնալ Հայրենիք:

Սկսում է հայ ժողովրդի տաժանելի Գողղոթան: Մեր ժողովուրդը կորցնում է իր կեսը, ծայր է առնում գաղթականությունը, խապտ ոչնչանում են հայ մշակույթի անգին գոհարները: Իրեն մեծ հայրենասեր, մեծ է լինում Գարեգին վարդապետ Հովսեփյանցի նվիրվածությունը հայ ժողովրդի տառապանքի օրերին: Ամեն տեղ էր նա, հասնում և ամոքում էր վիրավորի ու որբի ցավները:

Տարիներ անց, ապրիլի 24-ի առթիվ կազմակերպված մի սզահանդեսում խոսելով հայ ժողովրդի նահատակության մասին, Գարեգին Ա. Կաթողիկոսն ասում էր. «Բայց մեր կորուստը միայն այն չէ, ինչ որ հիշվեցավ: Ոչնչացան հայ ժողովրդի անդհահատելի գանձերը. Մեր խոսքը նյութական գանձերի և հարստության մասին չէ. թեպետ այդ մարդում էլ մեր կորուստը անսահման էր, այլ՝ հոգևոր այն գանձերի մասին, որ ո՛չ ցեցը և ո՛չ ուտիճը պիտի ոչնչացնեն, բայց ոչնչացրեց մոլեկոնոզ էնվելների և Քալիսթների թուրքական կատապորությունը՝ վանդալների և Ատիլաների բարբարոսությունից առավել աստիճաններով: Ոչնչացել են Անկյուրիտ, Կեսաբիտ և Արմաշի ձեռագրական հազարավոր հատորներից մեծ ժողովածուները կամ անհատների սեփականություն եղած հարյուրավոր ձեռագրերից բազմացած ժողովածուները: Մեր գիտցածով Անկյուրիտ ձեռագիրների թիվն էր 310, բայց շատ կտրերը գեղարվեստական արժեքներով և բովանդակությամբ: Արմաշի ձեռագիրների թիվն էր 223, որոնց ցուցակներն ունենք ձեռքի տակ, և այսպես մեր շատ վանքերի. Տրդատ Ե. պիսկոպոս Պալլասի անձնական ժողովածուն ավելի քան 120 ձեռագիր. վասպուրականի հազարավոր ձեռագրերից կարելի եղավ փրկել միայն մոտավորապես 1350 հատոր: Կարելի է մեր ունկնդիրներից ոմանք կմտածեն, թե ի՞նչ կապ ունեն ձեռագիրները այսօրվա հիշատակի հետ: Այդպես չէ, սիրելիք, ամենամեծ կապը կա նրանց մեջ, Այդ ձեռագիրների մեջ էր մարմնավորված հայ տրվեստը, հայ մշակույթը, հայ միտքը, դարերի թեթևացում հայի ստեղծագործությունների, հայ հոգին, որոնց նույնպես նահատակության և ոչնչացման մեծ բաժին հասավ²²:

21 Նույն տեղում, վավերագիր № 417, տպ. «Էքսթրադիտ», 1952, № 111, էջ 44—45:

22 Գալուզիե կարողիկոս. «Գեպի լույս և կյանք», Անթիլիաս, 1947, էջ 319:

Այս կապակցութեամբ անհրաժեշտ ենք գտնում նշելու, որ Գարեգին Կաթողիկոսը հոգեկան մեծ հրճմանք էր զգում ի տես Բաղձեն Աթոռակից կաթողիկոսի կողմից կազմված և եղեռնից մազապուրծ ազատված Անկյուրիայի Կաթիլի վանքի և Ղալաթիայի Ազգային մատենադարանի կորած ձեռագրերի կազմած ցուցակների, և ժամանակավորապես մի կողմ թողնելով իր կոթողական գործերի հրատարակումը, մեծ խնամք էր տարել առաջին հերթին վերոհիշյալ ցուցակները տպագրութեան հանձնելու և հայ բանասիրութիւնը ճոխացնելու համար։ Այդ երկու ցուցակները բարեբախտաբար լույս տեսան²³, նրանցից առաջինը տպագրվում էր արդեն Վեհի կենդանութեան օրոք, սակայն լույս տեսավ մեծ ուշացումով։

Հայաստանում սովետական կարգերի հաստատման տարեներին նա իր վարած հոգեվոր պաշտոններին հետ զուգընթաց ավելի մեծ թափով նվիրվում է գիտահետազոտական աշխատանքներին։ Գարեգին եպիսկոպոս Հովսեփյանցը մասնակցում է Քրեմլում գիտական ժողովածուի հրատարակութեանը, պատմական հուշարձանների շուրջ շարունակում իր հետազոտութիւնները, կարգում դասախոսութիւններ և օրհցօր ճոխացնում և մշակում իր գլխավոր աշխատութիւնները։

1934 թվականին արդեն Գարեգին արքեպիսկոպոսը Ափյուռքում է՝ իբրև Ամենայն Հայոց Կաթողիկոսի լիազոր պատվիրակ։ Հայրենիքից հեռու գտնվող տասնյակ հայկական գաղութներում, Մայր Հայրենիքի ու էմիգրանտ շերտ ողջույններն է տանում, ողբվորում և հայրենասիրական շերտ շնչով համակում բոլորին։ Սկսած Թումիսիայից մինչև Ֆրանսիա, Սիրիայից մինչև Ամերիկա մազնիսացնում է տարագիր հայերին Մայր Հայրենիքի խորհրդանիշ հավերժական Արարատով, հմայում հայ մշակութի անմահ գոհարների արժեքով և ամեն մի հայի սրտում կարծես մի մասնիկ է սփռում իր մեծ հոգու անսպառ զանձերից։ Ո՞վ միթե չի կարող հիշել, ինչ տարիքի էլ պատկանելիս լինե՞ր այն ժամանակ, մանուկ թե տարեց, նրա բոցաշունչ խոսքերը, սրտերի խորքը թափանցող նրա հրաշալի մտքերն ու չեքմ ներքզականները՝ նվիրված վերազարթնող Հայրենիքին ու հայ մշակութին։

1938 թվականին դառնում է Ամերիկահայ թեմի առաջնորդ, ծանրաբեռնվում է կրկին վարչական ու հասարակական բազմապիսի

ղովարին աշխատանքներով, սակայն գիտնականը նրա մեջ չի լուում. ճիշտ է, նա իր եռանդը ի սպաս է գնում Ամերիկայի հայ գաղութի համերաշխութեան և հայ կյանքի ծաղկման, հիմնադրում «Հայաստանյայց Եկեղեցի» հանդեսը և նախաձեռնում բազմաթիվ օգտավետ գործեր, սակայն գիտնականը դարձյալ կանգուն է. նա ժամանակ է ստեղծում Ամերիկայի քաղաքները շրջելու և ուսումնասիրում է անհատական սեփականություն դարձած, ինչպես նաև քաղաքային մատենադարաններում պահվող հայերեն ձեռագրերը, գրում նոր գիտական աշխատութիւններ և անընդհատ հարստացնում իր հիմնական գործերը։

Հայրենի ձեռագրերի աշխարհը իր տարերքն էր, իր կյանքը. այդ զգացվում էր հաճախ նույնիսկ իր հասարակական աշխատանքների ընթացքում, ամենուրեք նա դիմում էր մեր ձեռագիր զանձերին։ Այդ տեսակետից հետաքրքրութիւնից զուրկ չէ նշել այն մասին, որ իր 1942 թվականի սեպտեմբերի 28-ին Նյու-Յորքում Հայկական հանձնախմբի նիստ էր դումարվել հավաքված գումարը տարբեր նպատակների օգտագործելու համար, երկար վեճերից հետո անցավ Գարեգին արքեպիսկոպոսի առաջարկը և գումարի 50 տոկոսը հատկացվեց քաղաքի Կարմիր բանակին, 30 տոկոսը արտասահմանի աղետյակներին և 20 տոկոսը Սովետական Հայաստանին, Սակայն վերջում նա նկատեց, որ ոմանք սրտենդած են մեկնում նիստից, ուստի ասաց. «Սպասեցե՛ք, ձեզ մի լավ լուր պիտի տամ»։ Ի զարմանս բոլորի, նա սեղանի գարակից հանեց հայրենի մի գրչագիր և սկսեց խոսել ձեռագրի պարունակութեան, գրողի ու գրչութեան արվեստի մասին և ձեռագրից կարաց մի շարք գեղեցիկ խրատականներ։

— Սիրելի՛ք, — ասաց սրբազանը, — ուզում եմ որ հողով պարեք, մեր նախնիքների հոգով, իրար իբրև եղբայր սիրեք և անցավոր բաների լկապեք ձեր հոգին, այլ հոգեկան ու մնայուն իրողութիւնների։ Ձեզ չե՛մ թողնի մինչև որ հաշտվեք։

Այս ուշադրավ իրողութիւնը հուշադրող Դերենիկ եպիսկոպոս Փոլատյանը այս գրում է. «Ձեռագրի մասին իր տված քաջատրութիւններուն, անկե ըրած մեղքերումներուն և իր սրտաբուխ հայրական խոսքերուն առջև՝ կիրքերը խաղաղեցան, ատելութիւնները չքացան, անհասկացողութիւնները վերջվեցան»։ Ժողովականներ համարեցին Սրբազանին Աջը և իրարու ձեռք սեղմելի ետք՝ եղբայրական ուրախ ու հաշտ սրտով մեկնեցան։

— Երբ ամենքը գացին, Սրբազանը ըսավ.

²³ Բարձր արժեքից կարողիկոս, «Թուրքական ձեռագրաց Անկյուրիոյ Կարմիր վանուց և շրջակայից», տպ. Անթիլիաս, 1957. — Նույն հեղինակի «Թուրքական ձեռագրաց Ղալաթիոյ Ազգային մատենադարանի հայոց», տպ. Անթիլիաս, 1961.

«Տեսա՛ր ինչպես հրաշք գործեց հայ ձեռագիրը»²⁴,

Հանգիստը իսկապես որ նրա համար անհանգստություն էր պատճառում. փոխանակ իր հանգստի մասին մտածելու, 80 տարեկանի մոտ այդ նշանավոր ակնորը մի նոր պատասխանատու ծանր պաշտոն էր ստանձնում. դառնում էր Տանն Կիլիկիո Կաթողիկոս և վերանորոգչական մեծ աշխատանք ծավալում Անթիլիասը հայագիտության խոշոր մի կենտրոն, նոր մի Գլաձոր դարձնելու համար. իր վարչական բազմապիսի ծանր գործերը, տաղտկալի ժողովներն ու այլ տիպի աշխատանքները ամենևին արգելք չեն կարողանում լինել, որ նա մեծ եռանդով իր ժամանակի մի մասը նվիրի իր սիրելի ձեռագրագիտական գործերին:

Ամեն մի ձեռագիր նրա ստելով իր կյանքի մի մասն էր կազմում:

1945 թվականի փետրվարի 5-ից սկսած անհարմար բեռնատար նավով Ատլանտյան օվկիանոսը մեկ ամիս ճեղքելուց հետո, Ամերիկայից պետք է հասներ իր Կաթողիկոսական Աթոռ՝ Անթիլիաս, Տաժանելի ու հոգնեցուցիչ ճանապարհորդություն էր այդ, պատերազմը դեռևս շարունակվում էր, ու թշնամի ընդժողվաներ հարձակման էին ենթարկում նավը. ահազանգը հնչում է, նավի սակավաթիվ անձնակազմը խուճապի է մատնված: Այդ ծանր պահին սակայն Գարեգին Կաթողիկոսը շտապով դուրս է հանում պայուսակից մի փոքրիկ ձեռագիր և վարդապետական մի լանջախաչ, որն անցկացնում է իր վզից և հուզված ասում.

— Այս երկու ավանդները ինձ տրվեցին, որպեսզի հրը էլ միաժին գնամ, հանձնեմ նրանք Ամենայն Հայոց Հայրապետին: Դրանք մեր սրբություններն են, եթե վտանգի ենթարկվենք և մեռնեմ, թող նրանց հետ միասին օվկիանոսի անդունդը իջնեմ: Դրամապանակս դեմ շարտեցի. դա ինչ նշանակություն. սա փոքր գրչագիրը իմ կյանքի մի մասն է. իմ հոգու հետ կապված, իմ էությունը:

Նազագությունը վերահաստատվել էր արդեն օվկիանոսի վրա, սակայն Գարեգին Ա Կաթողիկոսը ամբողջ օրը ձեռագիրը իր ձեռքում էր պահում, թղթատում և կարդում էր: Գիշերը իսկ նա լանջախաչը իր վզին և ձեռքերով պինդ բռնած գրչագիրը իր կրծքի վրա քնել էր, միշտ պատրաստ լինելով, որ կրկին ահազանգ կհնչի²⁵:

Եվ իսկապես հայ ձեռագիրը նրա էությունն էր, նրա հոգեհատորը...

Երբ Գևորգ Զ-ի կաթողիկոսական ընտրության և օծման նախադահելու համար Գարեգին Ա Կաթողիկոսը կրկին իր սիրելի Հայրենիքումն էր գտնվում, դարձյալ ժամանակ էր ստեղծել ավելի քան երկու շաբաթ, աշխատելու Երևանի պետական Մատենադարանում, ուր մուտք էին գտել իր այնքան սիրելի ձեռագրերը, և որոնց հավաքման և ուսումնասիրման մեծ վաստակ ունեք նաև ինքը: Ի տես հայ պետականության հայ ձեռագրերի հանդեպ ցուցարարած մեծ խնամքի և հոգատարության, որի շնորհիվ Մատենադարանում ավելի քան կրկնապատկվել էր ձեռագրերի թիվը, Գարեգին Ա Կաթողիկոսը սրտի անհուն հրճվանքով Մատենադարանի տպավորությունների մատչանում ի միջի այլոց թողել է նաև հետևյալ տողերը 1945 թվականի հուլիսի 18-ին.

«Մեր ազգային ամենամեծ հարստությունը, որ ժառանգություն ենք ստացել մեր Հայրենից, ձեռագրերի ժողովածուներն են: Որքախ ենք, որ այդ հարստության ամենամեծ մասը գտնվում է մեր Հայրենիքում, մեր տաս տարվա բացակայության, ոչ միայն ճոխացել է մեծ չափերով պետական գրադարանի ժողովածուն, այլ գիտություն պահանջների համեմատ ցուցակների մշակմամբ ըստ բովանդակության, ըստ հեղինակների, թվականների և այլն... ամենամեծ դյուրությունն է ստեղծված դիտական աշխատողների համար իրենց ուսումնասիրությունների նյութերը հավաքել ժամանակի մեծ խնայողությամբ... Կմաղթենք, որ այս հաստատությունը ամենայն կերպով ծառայի հայ մշակույթի, պատմության և հին գրականության, արվեստի մշակության գործին և աղքատ հանդիսանա նոր վերածնության և նոր ոսկեդարին, որ հավատում եմ, թե սկսվել է արդեն և մեծ թափով պիտի զարգանա:

Գարեգին Ա Կաթողիկոսի համար հոգեկան սնունդ էին հանդիսանում հայերեն ձեռագրերը: Փաստ է, որ նա շատ անգամ մոռանում էր ճաշել իսկ և տարված ձեռագրերի աշխարհով, չէր իսկ մտածում իր առողջության մասին: Այդպես է եղել նա սկսած իր երիտասարդական հասակից մինչև իր կյանքի վերջին շրջանը: Այս կապակցությամբ կարծում ենք, որ ավելորդ չի լինի ծանոթանալ մի երկու փաստերի հետ, որոնք գրված են ականականների կողմից:

1914 թվականի փետրվարի 14-ին Ուրմիայից ետքն վարդապետ Լազարյանը Գարեգին վարդապետ Հովսեփյանցին գրած իր նամակում բարձր գնահատելով նրա կատարած գիտական հայրենանվեր գործունեությունը, ի միջի այլոց գրել է հետևյալը. «Չնայած այն բոլոր անհարմարությունն-

24 Գևորգիլ Եպիսկոպոս, «Հուլիսի Գարեգին Կաթողիկոսն», օրագրի էջեր, Անթիլիաս, 1955, էջ 27:

25 Նույն տեղում, էջ 43:

որն և կրածոց նեղություններին, ամեն օր Ա. Հովհաննիսյանի վանքից Մայր Աթոռի մատենադարանը մոտավորապես մի վերստ ճանաչարհ, ոտքով գնում դալիս և շատ անգամ էլ մի պատահ հաց չէիք ուտում...»²⁶ Այդպես էր անցել նրա երիտասարդությունը:

Մական, ինչպես ասացինք, նա նույնը մնաց նաև իր ծերություն հասակում: 1947 թվականի օգոստոսին Գարեգին Ա կաթողիկոսին շորորոդ անգամ լինելով բախտ էր փրկակցել գնալ Երուսաղեմ, այս անգամ արդեն իր օգնականներով և մեծ ոգևորությամբ ուսումնասիրել մատենադարանի հարուստ ձեռագրերը:

Ականատես մեկը հետևյալ ձևով է նկարագրել իր հուշատետրում Երուսաղեմում Գարեգին կաթողիկոսի կատարած աշխատանքները.

«Վեհհին ուշադրությունը չէ կարելի որն է խնդրո վրա հրավիրել. Ան նույնացած է ձեռագրերուն հետ: Անոնք հայ ժողովուրդի ամեննն թանկարժեք հարստություններն են: Վեհը շարունակ աշխատանքի մեջ է, ձեռագրիները կկարդա, կկափն, կնոթագրն, անկատողություններ կանխի:

Ձինք այս փրկակցին մեջ դիտող մը հոգեկան անասելի հրեմանք կունենա:

Ներս կմտնե միարան մը.

— Վեհափա՛ռ Տեր, ճաշի ժամանակն է, հրամեցե՛ք:

— Էս րուպիս:

Վեհը կշարունակե իր պրպտումները:

Վայրկյաններ կսահին:

— Վեհափա՛ռ, ճաշը կպաղի, հրամեցե՛ք:

— Արի՛, դու տես ի՞նչ արվեստ է սա, ինչ ճարտար մատներով գրված:

Ու վեհը կշարունակե իր ուսումնասիրությունները...»

Կյուրեղ սրբազան պատրիարքը ներս կմտնե.

— Վեհափա՛ռ Տեր, հրամեցե՛ք ճաշի:

— Ծաշի՛, դեռ նոր ճաշել ենք, ճաշն ի՞նչ անեմ:

— Զէ Վեհափառ, վեց ժամ եղավ, ժամը հրկու է արդեն:

— Զեմ հասկանում ժամը ի՞նչ կապ ունի ճաշի հետ, թողեք ինձ իմ աշխատանքների, իմ հոգու ապրումների հետ...»²⁷

Այսպիսի անձնուրաց և նվիրված էր նա դեռևս 80-ամյա հասակում, իսկ ուրիշներ

այդ տարիքում միայն իրենց հանգստի մասին կարող էին մտածել: Մարդ ակամայորեն հիշում է ԺԱ դարի վերջի և ԺԲ դարի սկզբի միջնադարի հայ մեծ մտածող Հովհաննես Սարկավազ Իմաստասերին, որի մասին ԺԳ դարի հայ նշանավոր պատմիչ Կիրակոս Գանձակեցին գրում է. որ օրեր շարունակ նա Հաղբատի վանքի ձորում գրտնրվող մի քարայրում փակվելով գրադվել էր ձեռագրերի ուսումնասիրությամբ. երբ օրեր անց բացում են քարայրի դուռը և հարցնում նրան, թե ինչով է սնվել այդ օրերին, Հովհաննես Սարկավազը ցույց է տվել իր կարդացած ձեռագրերը և ասել. «Այդ է իմ կերակուր և րմպելի, զոր կերայ և արքի պատրս զայսոսիկա»²⁸:

Գարեգին կաթողիկոսը նոր մի Հովհաննես Սարկավազ էր...

Անողոց հիվանդությունը երբ անկողնին էր գամել մեծ գիտնականին, նա երկար, շատ երկար ժամանակ չէր կարող հաշտվել դաժան իրականության հետ: Իրեն հանգստանալ պարտադրող բժիշկներին հաճախ ասում էր խոր հուզմունքով. «Դատարկ նստել լեմ կարող, դա մահ է ինձ համար: Եթե պիտի շկարենամ Ազգոս ու Եկեղեցուս ծառայել, էլ ինչու՞ ապրեմ, թող մեռնեմ»:

Իր ամենացավատանջ պահերին իսկ նա իր սփոփանքը սիրում էր գտնել իր անբաժան ու հավերժական ձեռագրերի մեջ:

Հայ և բյուզանդական մանրանկարչության հայտնի մասնագետ, Հարվարդի համալսարանի պրոֆեսոր օրիորդ Սիրարփի Տեր-Ներսեսյանը այսպես է նկարագրում Վեհի կյանքի վերջին շրջանի ապրումները.

«Մինչև վերջին ամիսները միտքը պահած էր իր հատակությունն ու թարմությունը:

Իր տառապանքին մեջ, իր մասնավորապես սիրած նկարիչներն կամ ձեռագիրներն մեկուն հիշատակությունը կվերակենդանացնեիր զինք և իր այքերը կփայլեին երիտասարդության շրջանի կենդանությամբ»²⁹:

Այո՛, մինչև վերջ այսպես ապրեց Գարեգին Ա գիտնական կաթողիկոսը, քանի որ ձեռագրերի աշխարհը նրա կյանքն էր, նրա էությունն ու հոգին:

Նա այդպես էլ շիրջավ, սակայն մնաց ու շարունակում է մնալ մեր հայերեն ձեռագիր գանձերի անզուգական խուզարկուն:

²⁶ Հայկական ՍՍԻՄ Մեսրոպ Մաշտոցի անվան Պետական Մատենադարանի ղեկավար, Գարեգին արքեպիսկոպոս Հովհաննիսյանի թղթապանակ, № 95, վավերագիր № 401, 2ա:

²⁷ Գերեզիկ Լայսկոպոս, «Հուշեր...», էջ 75:

²⁸ Կիրակոս Գանձակեցի, «Պատմություն Հայոց», աշխատասիրությամբ Զ. Ա. Մելիք-Օհանյանյանի, Երևան, 1961, էջ 117:

²⁹ Սիրարփի Տեր-Ներսեսյան, «Ակնարկ մը...», «Շահագ», 1952, է-Ք, էջ 270—274:

(Շարունակելի)